

* * * *
انذبتُ انصاره وظل ابو سكنه وحيد
ينظر اصحابه امرمّله فوگ الصعيد
نادى ودموعه فوگ خذّينه تميد
گوموا ينصاري وادحروا زمرة يزيد
شلون عفتوني بلا نصير ولاعضيد
أعتب اعلیکم لکن اعتابي شيفيد
* * * *

رحلتوا يا سنا فؤادي
وانا وحدي وبليا ناصر
وبس أنخیکم حسافه
بس صدى صوتي أسمع
وخلت منكم وسف خيمکم
أعاین بالثرى جنتکم
ولا واحد يبرى گدّامي
وأسمع الضّجه من ايتامي

ترکتوني يهلغيارى
وعليه اتجمّعت کتاب
ونادى وفتيتوا عهدکم
مو بعيده الطيحه والله
أگاسي المحنه والرّزيه
أوحانت ساعة المنيه
بالثرى ناموا يفرسانی
وانذبح من سيف عداوني

* * * *
ورجع ابودّع حريمه والدمع تهامه
شافته زينب ونادت هذي العلامه
ونادى ياعقيله والدمع يسيله
وبعزم أبونا حيدره وأخونا
يجذب الوثّه الخفيه ويحضن اليتامه
نفگد الوالي يحسره وتتحرك خيامه
ابصبر امچ ياخزينه اتحملي المصاب
أحسن صبري ياعقيله بساعة النوايب

صدت ومنها الكلب يتلاهب بوجيبه
گلبي حس يانور عيني بهذي المصيبه
بدا منها لونين منهو لينا يحسين
تدري خويه بلحال بس حريم وأطفال
گبل ماتطلع يخويه من أراضی طيبه
حسره انظر جنتک فوگ الثرى خضيبه
شلون ياخويه البصّر لو حل علينا هالليل
من يصد عنا الأعادي ويصد هجمة الخيل

* * * *
وگفت اگباله فاطمه الصغرى وتتوح
تناشده بحسره والدمع منها سفوح
تگله عطشانه مابگت بحشايه روح
والله لهفانه وبیه تتلاهب جروح
ومثل ابو فاضل خايغه عني تروح
بس تواعدني وبلوعد موتك يلوح
* * * *

يبويه ما تعطف عليه وتروي گلبي ياشفيه
نحلي هالطعش يعزي وعليه ترفرف المنيه
گله يافاطم تعبين والعب ينهش في دلالي
صبري بالله ولاتنوحين هالدمع يرويحتي غالي

أونادت يالأبو إخذني أروح اويك إلى الشريعه
أروي مهجتي وعاین حمانه بوچفوف الگطيعه
انخطف لونه وصد إليها سامحيني آه ينور العين
خايف العدوان تسطي ومثل عبدالله بسهم تگضين

* * * *
وگله يابنيتي صعب للمعركه اوديك واذا صابوني يفاطم منهو اليباريك
للمخيم يا حزينه ياهو اليرد بيك ومن هو من جور الأعادي يا حزينه يحميك
وأگبلت سكينه تنادي ياولينه چنك بمشيك يبويه گاصد المنيه
تودع اليتامه والدمع تهامي تمشي وتخلي الحرم للمحنه والرزيه

صاح ياسكنه تطول بفگدي العذابات ردي للخيمه يسكنه وخففي المناحات
أبد لايرتفع صوتك خاطر الجراحات تلتهب من أستمع بالخيمه نوح وضجات
وساعدي العقيله بالمحنة الطويله وسفه باچر عني تمشي اميسره وسبيه
زجر يحدي لضعون وشمر يوجع امتون وتتركوني عافر ومني الدما جريه

* * * *
إسرجي الميمون يا عقيلة حيدره
هذا طيف الموت فوگ راسي أنظره
ولفت بحسره والمدامع هامره
عندي اوصية من الزهره الطاهره
ألثم النحرك كبل حين المجزره
كبل ما توگع معنفر فوگ الثرى

* * * *
توسّط ياوسف نجيبه وكصد للمعركه وينادي
انا امي الزهره البتوله أوجدّي للبريه هادي
ليش هالأزلام حاطت والگصد كلهم يذبجوني
حتى شرب الماي وسفه وهذا مهر امي يمنعوني

حسافه اتجمعت كتايب ورماح تداخت بلسيوف
عليهم حدّر بعزيمه أفرهدهم براضي لطفوف
ذكر العدوان حيدر من يلوح بغضب صولاته
يخطف الهامات سيفه وما يثني أبد ضرباته

* * * *
يومي ليها بصارمه وتتفarrer العساكر وعينه علشاطي وعين تراقب الحراير
ضامي وسفه لكن أعلى العطش كلبه صابر امفطره جبده ولسانه بذكر ربّه عامر
أسد هايچ ايثور جزرهم بلبرور شبل حيدر فرش أرض المعركه بلجساد
وعينه تستعر نار من يشوف الأنصار امعّره بلغاضريه والترايب اوساد

گمّ وخلي الكتايب تطلب الملاحي والشمس غابت وحلت ظلمة الدياجي
وأعلى طور المهر خاشع لله ويناجي يا إلهي أنت ذخري وغايتي وسراجي
مگصدي ومرادي ما شغل فوادي عنك الإخوه ولا الضجات في الصياوين
لجلك يامنى الروح خل روعي فدا تروح ولجل دين المصطفى تتقدم القرابين